

VENDIM
Nr.592, datë 5.9.2007

PËR PËRCAKTIMIN E PERSONALITETEVE TË TJERA TË LARTA SHTETËRORE TË
VENDIT, QË DO TË RUHEN DHE MBROHEN NGA GARDA E REPUBLIKËS SË
SHQIPËRISË EDHE PAS LIRIMIT NGA FUNKSIONI

Në mbështetje të nenit 100 të Kushtetutës dhe të pikës 2 të nenit 5 të ligjit nr.8869, datë 22.5.2003 “Për Gardën e Republikës së Shqipërisë”, të ndryshuar, me propozimin e Ministrit të Brendshëm, Këshilli i Ministrave

VENDOSI:

1.Garda e Republikës së Shqipërisë do të ruajë dhe mbrojë pas lirimit nga funksioni, edhe këto personalitete të larta shtetërore:

-Prokurorin e Përgjithshëm;

-Ministrin e Brendshëm.

2.Personalitetet e përcaktuara në pikën 1 të këtij vendimi, ruhen dhe mbrohen, me shoqërim, me oficer e nënoficer shoqërues, edhe 2 (dy) muaj pas lirimit nga funksioni.

3.Vendimet nr.310, datë 14.5.2004 dhe nr.93, datë 11.2.2005 të Këshillit të Ministrave, shfuqizohen.

4.Ngarkohen Ministri i Brendshëm dhe komandanti i Gardës së Republikës për zbatimin e këtij vendimi.

Ky vendim hyn në fuqi menjëherë.

KRYEMINISTRI
Sali Berisha